



Ne wina ounyala okhubala okhula ekhumi?

Peter Wanga

Salim Kasamba

Oluwanga






Khale khaale, mushitsuru, Omwami Ingwe yeparira,
"Engofulanga ne etsia okhufwa. Omuruchi wobunina oushiri
omubukha nende afya indayi yenyekha okhubukula eshisala
shiobwami."Ndachama tsisolo tsiosi. Ndalaula endie
omuruchi!



Liparo lietsera omwami Ingwe. Yaruma abarumwa mushitsuru. Omwami Ingwe yabolera abarumwa batsie babolere tsisolo tsiosi tsitse munzu yomwami. Yakasia obucheni obukhongo okhubera yali nende amakuwa akoluyali. Abarumwa berukha okhutsia mutsibenga tsiosi tsine tshitsuru.



Tsisolo tsiosi tsiali munzu yomwami eshiro shiobucheni.
Tsisolo tsiemba nitsishina po. Shinga omwesi kwabukha
ekulu wemisala, omwami Ingwe yeema akari we tsisolo.
Tsisolo tsiosi tsialekha okhwimba nende okhushina. Tsiareka
amarwi okhuulira omwami.



Omwami Ingwe yekula omwoyo, niibola, "Embara efise fiakhola esie okhwaula oulabukula eshisala shianje. Okhubera ndabachama mwesi, shenyala okhwamua oukhoyeshere okhubukula eshisala tawe. Kulashirana fwesi, ne oushira yalabukula eshisala."



Omwami Ingwe yachingula lifumo ekulu, naboola,"
Oweimberi khwenywe, ounyala okhusukuna lifumo lino
mwikulu mana abale okhula ekhumi lifumo lishiri okhukwa
asi, yalabukula eshisala shiobwami."




Omwami Ingwe nashiri okhumala, tsisolo tsiaulira oluyoka inyuma watsio. Tsiolola Inzofu niitsa imberi watsio."Murule imberi wanje. Endi umukhongo, ekhoyere okhuba omwami wenyu," Inzofu yabolera tsisolo.



Inzofu yabukula lifumo khumolu yasukuna mwikulu namani kosi. "Ndala! Tsibiri! Tsitaru! Oh!" Yelirira. Lifumo lwakwa hasi Inzofu niyakhabela okhula khane. Inzofu yasinyikha nimala niirula wetsisolo tsiali. "Omalire omuka kwao." Omwami Ingwe yabolera Inzofu. Inzofu yamala nirulao.



Inzofu niyakhatsia, tsisolo tsialomama mubusangafu.
Tsi sundusibwa khandi nende oluyoka okhurula inyuma
watsio. Imbitsi yetsa tsimbiro neyibola, "Ruleyo. Ruleyo. Etsia
okhuba omwami wenyu. Endi nende omubili omusiro. Endi
nende amani amanji. Ekhojera okhuba omwami."



Imbitsi yabukula lifumo niisukuna mwikulu. "Ndala! Tsibili! Tsitaru! Tsine! Tsirano! Oh!" Imbisti yayula. Lifumo liakwa asi Imbitsi niyakhabela okhula sita. Imbitsi yasinyikha niisukuna amatoyi mumuya. Omwami Ingwe yabolelera Imbitsi, "Imbitsi, lifumo lisukunwa lulala lwonyene. Omuka kwao kuwere." Imbitsi yosi niitsia.



Tsisolo tsialalamika nitsibola mbu, "Okhushirana khuno nokhutinyu po, Inzoru siinyalire tawe niba iri ikhongo. Imbitsi yosi ikhayirwe, niba iri nende amani amanji. Abulao oulashira mana abe omwami."Tsisolo nitsishiri nitsibolanga, oluyoka lundi Iwarula inyuma watsio. Tsisolo tsieuchira eshiatsialola.



Tsialola Inguche niitsanga niibola, "Enyala okhusukuna lifumo. Emanyire enyala. Enyala okhusukuna lifumo."
Inguche yabukula lifumo. Yaaruka mumuya niisukuma lifumo mwikulu."Ndala! Tsibili! Tsitaru! Tsinee! Tsirano! sita! Saba! Oh!" Ingwe yelirira.



Lifumo liakwa asi Inguche niyakhabela okhula munane. Inguche yasinyikha muno. Yopa oluyoka nende liruma po. Omwami Ingwe yabolera Inguche mbu, "Omuka kwao kuwere," Inguche yosi nimala niitsia.



Tsisolo tsindi tsiachaka okhubwao. Ne mushise esho, tsialola Eshichwaya nishitsanga. Eshichwaya shiabolera tsisolo, "Linde, linde. Mundeshe siesi endemekho." Enyala ukhusukuna lifumo, enyala okhusukuna lifumo."Tsisolo tsiatsekha amakhuwa keshichwaya.



Omwami Ingwe yaruka ekulu nende oburuma, "Leshe okhutsekha Eshichwaya! Owabola mbu tsisolo tsinditi shitsinyala okhukhola efye tsisolo tsikhongo tsikhola newi? Eshichwaya nishienya ukhusukuna lifumo leshe shisukune nga tsisolo tsindi tsisukune. Site inyuma Eshichwaya shisukune lifumo."



Eshichwaya shienamira omwami Ingwe, nishimala
nishibukula lifumo khumunwa. Eshichwaya shiachaka
tsimbiro nende amani kosi. Nga shiola akari
womukhungáno, shiaruka ekulu po. Eshichwaya shiasukuna
lifumo nishiayula, "Tsirano nemetakho tsirano nekhumi."
Lifumo nilikwa asi.



Tsisolo tsiosi tsiulera tsii. Sitsieyamina tawe.Omwami Ingwe yabola ari, "Nobulamba Eshichwaya, tsirano nometakho tsirano nonyola ekhumi.Obushirani buno bwenyerenje iso lo yobunina. Ne munjira eyo, Eshichwaya shiabukula eshisala shiobwami nga omwami Ingwe yafwa.

You are free to download, copy, translate or adapt this story and use the illustrations as long as you attribute in the following way: Athieno Gertrude and Owino Ogot Author - Athieno Gertrude and Owino Ogot Translation - Peter Wanga Illustration - Salim Kasamba Language - Oluwanga Level - Longer paragraphs © African Storybook Initiative 2017 Creative Commons: Attribution 4.0 Source www.africanstorybook.org

